

Dr Hueber, dr Meier und ich

Mier sind ei-isch d'dritt am Sunn-tig gschpa-ziert, dr Hue-ber, dr Mei-er und
Mier hend is duo dänkt, mier dri Ka-va - lier, dr Hue-ber, dr Mei-er und

5
ich. Und je - de hed gärn äs biz - li pla-giert, der Hue-ber, dr Mei-er und
ich. Dä Sunn-tig bringt is no gwiss äs Plä - sier, dr Hue-ber, dr Mei-er und

9
ich. Und wie's ä so gahd, wenn mier zä-mä sind, dr Hue-ber, der Mei-er und
ich. Drum sim - mer de ai uf - nä li - fall cho, dr Hue-ber, dr Mei-er und

13
ich. Da hem - mer ai trof - fe - äs chei - be scheens Chind, dr Hue-ber, dr Mei-er und
ich. Mier gien - gid grad z'vier-te hech in äs Ki - no, dr Hue-ber, dr Mei-er und

17
ich.
ich.

Mier sind einisch z dritt am Sunntig gschpaziert, dr Hueber, dr Meier und ich.
Und jede hed gärn äs bitzli plagiert, dr Hueber, dr Meier und ich.
Und wiä's ai so gahd, wenn mier zäme sind, dr Hueber, dr Meier und ich.
Da hemmer ai troffe äs cheibe scheens Chind, dr Hueber, dr Meier und ich.

Mier hend is due dänkt, mier drii Kavalier, dr Hueber, dr Meier und ich.
Dä Sunntig bringt iis no gwiss äs Pläsier, dr Hueber, dr Meier und ich.
Drum simmer de ai uf ne lifall cho, dr Hueber, dr Meier und ich.
Mier giengdid grad z vierte hech i-n-äs Kino, dr Hueber, dr Meier und ich.

Druif hemmer begleitet das Meitli vor s Huis, dr Hueber, dr Meier und ich.
Und jede hed gmacht ganz heimlich ä Schmuis, dr Hueber, dr Meier und ich.
Si hed jede kisst, verknuitsched mit Lischt, dr Hueber, dr Meier und mich.
Und keine hed ebbis vom andere gwisst, dr Hueber, dr Meier und ich.

Und churz drubert abbe kriägt jede-n-ä Briäf, dr Hueber, dr Meier und ich.
Mier hend nur gstuined und gluegt ganz schiäf, dr Hueber, dr Meier und ich.
Mier gsehnd usem Wätterbricht klar und frisch, dr Hueber, dr Meier und ich.
dass jede jetz glickliche Vatter isch, dr Hueber, dr Meier und ich.

Und wommer cho sind uf Grichtskanzlei, dr Hueber, dr Meier und ich.
Hemmer Buebe gseh, grad drii i dr Reih', dr Hueber, dr Meier und ich.
Dr Richter hed glacht, diä Ähndlichkeit, dr Hueber, dr Meier und ich.
Und hed iis als Firma is Haptbuech iitraid, dr Hueber, dr Meier und mich.

Und sid säbem Tag, da hemmer's gedacht, dr Hueber, dr Meier und ich.
Mier hättit's ai gschiider i d Hose gmacht, dr Hueber, dr Meier und ich.
Miend zahle pro Monet uf s Postkonto, dr Hueber, dr Meier und ich.
Fiifzg Franke per Saldo und Ägschtra-Porto, dr Hueber, dr Meier und ich.